

docriver 文川网
古籍书城
入驻商家
在文川网搜索古籍书城 获取更多电子书


中國方志叢書·華南地方·第二〇六號

據 民國二十三年 鉛印本
劉振西等纂

影印

廣西省

隆安縣志



成文出版社有限公司印行



10101529

中華民國六十四年六月臺一版

隆安縣志

全册

發行人：黃成助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

民紀廿三卷修

隆安縣志

黃朝顯

docsriver 文川网
入驻商家 古籍书城

在文川网搜索古籍书城 获取更多电子书

重修隆安縣志目錄

卷首

重修縣志弁言 凡例 編輯等姓名 原序 原凡例

卷一

世紀大事考併 沿革表 區域表 各種統計表附

卷二

官師表 選舉表

卷三

地理考 輿圖 疆域 形勢 地質 山川 關隘 氣候 道路 津梁 水利 古蹟 名勝 電政
郵政 社會

卷四

建置考 城池 廩署 學校 兵防 壇廟 寺觀 塔墓 局所
食貨考 戶丁 田稅 課賦 經費 積貯 經濟物產併

卷五

藝文考

書目

文

詩

曲

文化附

卷六

宦績傳

鄉賢傳

忠義傳

孝友傳

文學傳

列女傳

流寓傳

仙釋傳

雜記附

重修隆安縣志弁言

春秋經也其實則史褒貶簡賅稱爲謹嚴然非傳無以明其底蘊傳之者三家左氏最善尙有譏及浮夸之譏自是而後史不絕書積至二十四部雖謂史記兩漢三國爲優而譏者且烈於左氏遠論四史以下其矣作史之難也吾隆縣志其從前所云袁璧及無名氏等書閱已無存遂以民二之志爲根柢廿一年邑人士以世事日隳歷久恐多遺佚因於第八次教政會議議決重修縣志推選會員十人有奇負擔此舉呈請縣府委任重厥事也既而會中人自議分工合作但辦事迂緩復有辭職者有辭世者或選補或不選補加之散處一方大半各有服務僅於開會時偶一聚首有時一事未辦談笑而散以致初定爲三個月率延至歲餘不能早日出版且經濟有限不足以另聘鑒定因而會中人自行推舉劉興甫潘朗軒及朝桐三人同爲總編輯竊以劉潘兩君學問優於朝桐年齡長於朝桐閱歷深於朝桐惟朝桐念及太史公言學必言游邑中舊學稍能行遠今存在者止此三人之數故朝桐亦不辭而任之雖然任事以來請更正者請增加者請芟除者實繁有徒不免有羝羊觸藩之感且對於舊志不無出入昔務矜慎今但苟簡昔重來歷今任通融反之或又無力可修而不實不盡之弊仍不可謂爲能免焉夫志亦史也作史之難既如上述我三人又何敢託乎撰著抑以應一時

之撫拾而已初劉君囑潘君撰序以次及桐桐以敬長之意起稿經請劉潘兩君點定之於是乎書
中華民國二十三年五月邑人黃朝桐謹識

重脩隆安縣志凡例

- 一 此次重修純從舊志爲底本而以分區采輯爲根據
- 一 對於舊志有增刪處仍根據采輯並非臆造有時直將原文竄改不注以刪改字樣
- 一 此次雖有弁言以紀緣起凡例以記事實而原序與原凡例仍存
- 一 前事考舊志另標目錄此次併入世紀至輿圖則歸於地理貞節則改爲列女俾得消納咸宜
- 一 舊志有風俗無社會此次改風俗爲社會仍納風俗於社會中以歸一類
- 一 風俗舊無方言方音土歌此次悉爲增入
- 一 舊志食貨無經濟此次增入經濟
- 一 輿圖與舊志稍有伸縮且依自治新編將舊五區改爲十六鄉並分彩色以清觀覽
- 一 區域表與舊不同然仍存舊表以資對照
- 一 水道只論其入境出境不論遠脈例如大河由恩林果德西北來至那勞塘入境東南流至白馬合可瀘江出境入崑寧界山脈仿此
- 一 舊志山水經仍照登錄以備參考

一舊志編纂武緣黃誠沅同參校縣人梁鳳翹程宜謙劉振西陸翹營陳廷文何 濱盧瑞和盧
啓賢趙石麟趙學俊陸連超劉振漢潘受榮黃朝桐陸繹義屠樹相陳汝椿陳維溥錄存於此以
紀舊蹟

一史志與其他文集不同不須用跋且跋卽書後舊志以跋居首更爲不合今刪

一標注采訪采輯志稿種種字樣以及引証書名或係原本或係重修信手抄來多不識別

重修隆安縣志者姓名

總編輯者 劉振西

潘受登

黃朝桐

采輯者 陸杏林

黃尙魁

周甲

張國光

屠樹相


鄧濟益

陸文甫

周建禎

原序

邑於前明析宜化地爲縣向有袁壁誌二卷無名氏誌一卷今皆弗存前清光緒三十年李公質夫來宰是邑始集十紳分頭採訪彙而記之乃有今日之誌稿顧其爲篇率不成帙取便綜覽實慮不完民國方新舊禮漸膺斯邑公餘之暇復集士紳而講之曰隆安縣誌所以信今而傳後豈不爲之裁定而付諸割斷不幸一旦散失而斬其書於後人以後之人而傳數千百年之事廢論其不足以傳信而得失之鑑固已紆矣則縣誌之刊行誠不可以須臾緩矣謂洽於史裁者之難得其人維時黃雲生先生自滇旋武鳴邑紳梁君星南乃函聘爲之纂輯復擇明通有學者爲之釐定應增者增之應改者改之閱四月而書告成惟寫梨棗爲時過促徵集事實容有未盡然而時事之改遷風化之得失已大略備是矣將付梓雲生先生囑爲之序不敢以不文辭爰揭大旨告我邦人陳辭之陋所不恤焉抑壽祺更有進者隆安雖蕞爾邑而水土溫和物產殷阜讀是篇者苟能於土地區域講求盡利擴張而發達之則此書之成其有造於隆邑前途良非淺鮮夫豈僅修史修志之採擇云爾哉民國二年十月臨桂陽壽祺謹序



原凡例

隆安志創自明代萬曆己丑迨謝蘊山纂修廣西通志時尙有無名氏之縣志一冊迄今百年有餘歲月滄桑并此亦散失不可復覩若不亟爲詳述梗概昭示將來曷以存獻徵而明教化爲取近人所輯志稿旁證羣書彙成一編以質富世碩學君子幸其正焉

一 本書既括人物典制而概稱曰志則風土營建職官賦役學校兵防選舉名宦人物文藝紀事之屬不得不仍從志之公稱蓋志乃全書總名不容複事蹈襲爾茲仿照通鑑目錄之意將紀事一編改標世紀弁諸總首以持綱領庶全書條貫不致散漫無序然皆筆削謹嚴不使一字稍涉冗漫而失國史體要雖似駢拇實本史氏家法

一 圖學古有專門漁仲論之詳矣子長爲史獨取旁行斜上之遺列爲十表而不取象魏惡法之掌列爲諸圖於是後世相承志傳愈繁圖經寢失以致數百年來郡邑各志名雖有圖而俱視同弁髦弗適於用斯中國之所由日弱也茲編旣以大雅是宗則於輿圖一道不能不細加考覈如法精繪羅幾覽者獲收實用之效

一 史志之著職官則詳其制度述選舉則明其典則故不能不爲之志至於輿乘所書不過歷官

先後籍貫出身與夫科舉甲庚仕履世系耳年經事緯按格而稽已足有所考索何必分類相從
遂使康熙訓導貢生次於雍正教諭舉人之後耶茲與沿革區域並列爲表以豁眉目

一四表之下宜繼之以考也沿革區域官師選舉既已別立爲表則地理風土丁賦藝文及一切
典制自應詮次顛末折衷疏證比類成編俾後之人得所依據以備他日纂校取材繹考之爲體
乃做書志而作史遷入書孟堅十志綜核典章包羅甚廣茲師厥意立地理前事建置食貨藝文
五考統氣候疆域形勢山川水利關隘津梁道路風俗於地理併災祥於前事該城池僻署學校
兵防壇廟寺觀塔基於建置列丁賦稅課經費積貯物產於食貨其藝文一考按諸體裁本應專
載書目而以有關斯地之篇章散入各本條下奈書闕有閒著述無多勢不能不一變古法彙萃
詩文記序充數矣

一考後列以宦績鄉賢忠義孝友文學貞節流寓仙釋八傳有改無削其志稿之所遺漏者則續
爲蒐補以增山水之光他若崎言陸說無當經綸而有資談助者則勒爲雜記一類用存軼事蓋
志秉固貴詳贖條理仍忌混雜殿諸篇末不惟制斷精嚴且與世紀首尾相應

一自宋人取瀟湘勝概題爲八景嗣後纂方志者無論通都大邑十室之聚莫不漫將境內山水
寺院強叶景物律之以八角角半半可厭殊甚此外謬妄門類尤以分野占候爲第一支離是編

苟循庸俗，爲襲陋用，特概行芟去，以歸簡潔。至於官號地名，均就當日稱謂據實直書，不作文語以滋後人之疑。


如知縣即曰知縣，不曰令同知。經歷即曰同知，經歷不曰分府，可馬參軍，雲南四川不曰古滇，西蜀之類，餘倣此。

一無徵不信，故著述一道，除議論可以任意縱筆，自抒己見外，舉凡注書纂書，均須將引用之籍標明出處，不使一字無來歷。古書志稿有明文者，固著原書名目；若新收之事，無書可注者，則以案冊採訪例之，所以如此矜慎者，藉明全書信而有徵，並無一語鑿空杜撰也。

太歲昭陽赤奮若，且月滇南舊吏武緣黃誠沅雲生，誤于隆安縣城之高公祠志局。

docsriver 文川网
入驻商家 古籍书城

在文川网搜索古籍书城 获取更多电子书



重修隆安縣志卷一

世紀 前事考辨

明

世宗嘉靖七年春二月提督尙書王守仁將湖廣江西廣東廣西兵撫平思田日兵盧蘇王受等改

田州府

爲田寧粵西

守仁於思田既議設流官又議添設流官縣於思龍明史土司傳

十二年置縣建署

十三年建典史署

十四年築城

十六年知縣章珪建學宮於北門內

二十五年知縣姚居易建城隍廟

三十七年知縣姚居易構城樓

三十九年知縣姚居易遷建學宮於今所

四十五年革那造驛

神宗萬曆元年知縣何一麒重建縣署

二年知縣何一麒設社學四十二處

十四年學宮毀於潦知縣袁璧修

十七年知縣袁璧創修縣志

四十三年教諭莊一德遷署於今地

四十六年大旱賊掠隆安知府林夢琦創設殲寇立隘保民士民德之立祠以祀府志

莊列帝崇禎三年知縣余興賢建望江樓

四年二月知縣余興賢擢靖州民思之立石道側

清

聖祖康熙八年知縣鞠珣行取去民爲立碑

九年知縣查繼甲修葺城垣

十年知縣查繼甲修葺望江樓

十一年查繼甲捐修學宮

十八年知縣史宗瓚修學宮 遷建典史署 設哨船四隻

二十二年知縣徐黃嗣修學宮

二十五年知縣盛國俊修學宮建義學

二十六年修九門橋 廢洪寨司 增設哨船十隻

二十九年知縣盛國俊建常平倉

三十年知縣楊燮訓導李克誠典史司朝常修學宮

四十七年建關帝廟

五十年復修九門橋

五十七年知縣張廷超增建常平倉

五十八年知縣王輅修學宮

世宗雍正元年設大哨船一隻

二年知縣趙溯岸復設那重社學 建節孝祠

五年知縣趙溯岸建先農壇置耨田

六年那樓寨巡檢兼理果化土州吏目 署知縣徐德秩教諭喻聖傳修學宮

八年知縣劉觀棟修學宮

十年建社稷神祇二壇

高宗乾隆四年縣人馬乾彰成進士

七年知縣劉震信重建關帝廟

十七年裁那樓寨巡檢

二十四年知縣赫生額修學宮

四十六年縣人馬延承成進士

四十七年知縣曹濂重建縣署

五十七年署知縣張樹緒建榜山書院

仁宗嘉慶六年縣人陸禹勳成進士禹勳即禹貞

宣宗道光二年知縣鍾全吉倡建試院

二十五年附生周文裕計擒土匪盧三哲乃富本截之志稿

三十年十一月龍庄鳳庄土匪作亂立堂名得勝義勝劫掠鄧炎備建積發中孚進馭縣城隆慶

勝堂匪擾叻恭村生員周文裕潘濟邦率十圖練勇往禦之敗績團練死數百人周潘二生遇於難

遂進掠城廂踞下顏據隆安紀亂鼓詞永康匪擾橋建古潭那重馬村叻恭志稿

文宗咸豐元年四月宣化土賊林一昌踞丁當墟武緣知縣彭昌集討平之平桂紀略八月土匪陸鵬理

與其黨凌亞東為害本邑署知縣高延祉誘殺鵬理阿東乃聚集亡命冀為復仇志稿土匪大起競

立堂名號曰洪家打單劫村地方不勝其擾據隆安紀亂鼓詞十一月署知縣高延祉死於賊據碑凌亞東

踞橋建尋為墟人所殺客匪黃十二乘其敵率黨突入據之遂劫古潭及下九圖隆邑春秋合邑舉辦

團練同上

二年民失耕種又值旱魃為虐斤米百錢據隆安紀亂鼓詞

三年大旱各土匪加派納月規錢民間多以草木為食飢死者甚多同上七月蝗據雜見

四月本邑土客各匪紛起拜臺七月客匪首盧七即盧義剛袁晚即袁嗣詳闖入縣城佔踞汛署邑

令邱玉璋無可如何祇得勉與交好盧乃遣黨梁四梁五往紮下顏其弟盧四義強盧五義某分駐

楊墟南墟土匪羅金盛屯古潭周平瑞據橋建小林那桐則道客年黃八晚沙蟲守之尋以甯大黃

十二往代盧四盧五擾攘者計九經年據隆邑春秋及隆安紀亂詞案梁四名 饑據隆安紀亂詞

五年六月盧四盧五糾集下顏各匪來攻縣城敗還同 袁晚卒後盧四所逐隆邑春秋

六年匪首黃八晚林七馬四大匪踞平毛勒派居民為其建棚築屋加派軍錢與盧七逐日互鬥不

勝大掠各村婦女財物退回小林據隆安紀亂詞

七年六月髮匪自南寧上竄百色路經隆安令民領錢百文交米七斤另派柴草銀錢同

匪欲益熾民無安居同上


八年合安堂土匪逐盧七出城同 周平瑞先命部眾由橋建來攻盧七盧不敵棄城走軍入城

稍肆劫掠婦女受辱者不少平瑞後到始下令嚴止由是那桐小林楊墟南墟下顏各客匪皆一律

逃遁平瑞使甘大蒲六守縣城金羅盛駐馬村古潭雷宜仙扼那桐小林池睽陸什壁佔南楊二墟

梁四梁五仍紮下顏平瑞回踞橋建勒派通縣每月納規以充匪餉作福作威無所不至孫昌俊並

至與結為金蘭呼之以兄繼任者為許邑侯德基雖甚仁明然無權無勢於亂事毫不能挽救據隆邑春秋



秋 案原書作六年事恐誤茲從隆安紀亂鼓詞

知縣孫望割一大小糧從周平瑞之議邑八載之

志稿及採訪

十年建高公祠

穆宗同治三年疫

隆安紀亂鼓詞

五年土匪羅茂島晚作亂知縣許德基請兵助剿因乏餉乃按照糧額每銀一兩加征三百文事平竟不裁革民甚苦之志稿

六年鎮安土匪盤輪七入據南墟尋遁還

同下顏土匪梁四投誠梁四乘亂征十二圖稅十餘年

民間多被蹂躪至是投誠志稿

七年周平瑞與土匪雷某互相攻擊隆安紀亂鼓詞

大保匪竄隆安團練周平瑞招撫之志稿

八年修望江樓

九年上台循知縣馮灝之請發兵兩營來剿匪官軍大勝匪首任長明林世山隆安春秋

十年知縣張萬選調集團練擒匪首梁四適羅金盛又反於洞造萬選大怒乃斬梁四縣署照牆之下請兵臨隆助剿軍民羣姓者率師至與匪大戰於花潭戮金盛周平瑞懼奔避雲南隆安平

隆安春秋萬選罰周平瑞黨某數人各數百十金入資興以贖從周之罪勒石於文昌門內魁星樓下美



其名曰捐採訪

十三年修縣城并開南門 知縣姚清臣以查封逆產歸入地方爲資興經費

德宗光緒七年八月大水採訪

十二年八月奉革忌十圖月派打掃衙署民夫十名案册

知縣劉應禎與土豪三人勾串火田每畝收錢五貫先至橋建舉行夜宿於墟中北帝廟是時周平

瑞致仕家居竭力反對衆將圍其廟劉出謝過事遂罷採訪

十五年設電線經縣境採訪

十六年知縣余銘勳捐設城廂內外義學

十九年五月虎入城獲而磔之同上

二十年重建學宮砌文塔

二十二年知縣陳增玉勸捐義育積穀採訪

二十五年土匪盧義剛等倡亂迫人拜臺採訪

二十六年土匪閉連培作亂與客匪王和順黃五肥迭攻南墟楊墟那灣那重 知縣李均琦加高城垣

二十七年閉連培初與匪總某有隙逸去為匪其後黨羽日眾是年與陸以龍攻劫橋建墟中團練練長廩生雷緒基慘被用洋油燒死奪去團槍十餘枝殺練丁十餘人擄緒基妾氏強逼為妻探訪

二十八年正月閉連培人張筵謙與母為壽防營黎管帶督兵往捕不獲最後署縣李家彬率練團之於山將就擒機泄遁去以致兩三年間邑里為之騷然同上 夏旱饑疫交作外匪王和順黃五肥

攻那重廣東善士伍姓運米來賑船至那重遇害是年閉連培李八王和順黃五肥合攻積發村附生何其爵與守望團勇擊退之志稿

二十九年四月疫黃五肥閉連培復掠那重同上 署縣李家彬率團練合力擊匪於那穰禮梁邑真

等處黃五肥敗竄永康取後為永康團練槍斃王和順亦遠遁閉連培勢孤十一月乃出受撫未幾仍嚴上刑探訪 立電報分局 十二月裁隆安汛

二十六年至二十九年此數年又旱又匪又瘟疫災害並至民不聊生如南甯之匪首閉連培陸以龍東區之匪首盧義剛盧義強甘大明哪咤三王振德黃錦德夥同南甯之匪首王和順李八永淳

之匪首黃五肥等專在縣屬打官劫舍竊收行水逼民拜臺拉生劫贖遍地盜賊無處可逃即如附城新街匪徒肆無忌憚竟敢公然入街拉去何永瑞勒贖數千幸得李家彬來接縣篆即集合北門街及安良守望各團練設立德軍總局局內辦事諸人梁鳳翹劉西陳允敏陸杏林潘受榮王家典程宜訓陳廷文黃文憲等均能同心一德力盡義務一面籌款一面募養練勇二百餘名舉何其爵爲管帶以李翹芬盧啓賢潘揚秀爲哨官督練剿匪不數月始將匪首殲滅招撫脅從地方賴安縣人紀念李家彬因建去思亭在書院前今亭圯輯

三十二年貢額倍取 立兩等小學堂 以各哨隘兵工食撥抵知縣親兵口糧

三十三年旱饑 裁教諭 立勸學所

宣統元年劃分縣境爲五區 設郵政局志

二年學署前木棉樹有白氣如烟自枝柯出月餘乃止同上

三年立初等女子小學堂 裁勸學所志 八月晝時忽晦如夜三星出現探訪

宣統末造政局大變縣屬歹人蠢蠢欲動各父老有見於此教勸劉振西出任民團總局局長募養游擊三隊舉黃其新廬受封李春魁三人爲隊長日夜督隊梭巡邊境以遏亂萌故縣屬地方較別

縣幸得粗安錄

民國

元年自治會成立志

三年裁自治會訪

四年七月大水

五年勸學所規復

六年立保衛局

九年裁保衛局規復自治會 三月清明日太陽旁有數白圈環繞之

十年立教育會 東軍寇武鳴過境派附城各村民人當快路上逢人即拉是以該軍將拔隊時聞

者預行規避俱同

南區古潭匪首陸桂芬桂茂兄弟招集匪黨數百到處劫掠拉人勒贖縣屬東南一帶悉被蹂躪勢其洶洶縣城爲之震恐後有馮保初來收編堅不肯出謂素與團總梁離麒陸春巖有仇俟得兩仇人親手刃腹即受編等語馮某急於升官遂聽其所爲桂芬即假意請酒使人邀之略謂今日我等受編當與爾等盡釋前嫌離麒春巖逕去詎甫入門竟被桂芬等揪縛一面與馮某飲酒一面對離

docsriver 文川网
入驻商家 古籍书城

在文川网搜索古籍书城 获取更多电子书

麒二人大肆殺戮旋對雕麒春說誘以罰款贖身之約彼兩人不知是詐立即着家人傾產各以數百金送交桂茂次早即拔隊帶兩人到某處仍與馮保初飲酒乃將兩人凌遲處死春說一子同時遇害後保初往梧州就軍登職旋被捉繳鎗桂芬亦病死桂茂竄入賓陽久之犯案槍斃

十一年勸學所改稱督學局

探訪

四月初三日粵將馬曉軍由平馬率隊反粵是夜分駐街城本擬詰朝即行遁探報前途有那龍著匪盧子美糾合匪徒數百自稱自治軍攔截去路云云等語粵軍遂戒嚴不走至初六日盧子美與粵軍在西門對壘大戰至下午七時城破粵軍敗走下顏盧子美入城衛署財物盡行抄擄署內檔案燒燬無留監犯亦放縱淨盡督學局及縣校所有圖書器具悉遭蹂躪自治會之槍礮什物搬運一空民家被劫者惟黃德珍一家商家被劫者惟長盛龔勝祥兩號餘尙不動盧子美連日在街城只有向各富戶籌款對於粵軍毫無防備初九日早粵軍由下顏直下攻城盧子美等一聞槍聲即倉皇逃走不敢與戰各家什物被粵軍搜括殆盡初十日早粵軍下河邊挑水被東岸擊斃水仗二人粵軍怒遂分道攻入東岸燒燬民房四百餘家方率軍一路回粵

探訪

十二年督學局復稱勸學所

探訪

五月空中有聲如雷現出一團白色大數尺自西北來至東南而隕好事者請挾其降址有四句云非雷非鼓聲聞于土欲知吉凶問於齊楚

復我自治會

滇軍過境城廂內外及附近各村民房俱駐滿上

十三年勸學所改稱教育局 縣立高小校及各區高小校改爲縣立第一二三四五小學校

十四年教育經費獨立 增縣立第六七八小學校

十五年立國務總局 各區國務分局 縣財務局 毀城隍廟神像 立中國國民黨隆安縣黨

部 由糧額每銀一元加征二成國幣爲義務教育費上

十七年立植桐會 講演所 由糧額每銀一元加征三成國幣爲解省教育費 又每銀一元加

征二成國幣爲初中校經費 又每銀一元臨時加征六成爲架設電話費次年革 又每銀一元

臨時加征一成爲縣訓練經費次年革 立救濟院上

十八年文廟之東西兩廡神主被焚燬上

十二月共首李明瑞二次陷縣城復有東窺省垣意縣屬東南區人士鑒共匪之兇殘方有組織抗
共委員會之議被共匪探悉遂乘該會組織未就遣派匪徒二百餘人聲勢洶洶竄下兩區喬建旋
圍搜團局輸械細綁局練槍擊局長葉愛軒葉爲黨員幸未命中又搜劫元興號轉竄過東區那桐
時適慶曆除夕人心恐慌各自扶老攜幼紛紛逃避爲狀至慘該共匪又以縣人李先華曾充省黨
部監察委員係清共健者乃又悉數上那重圍搜其家幸先華先事走避惟一切財物被掠一空積